

საქართველოს შსს სსიპ
დაცვის პოლიციის დეპარტამენტი



წყლისა და საკანალიზაციო მილსადენების მშენებლობა

CPV45231300

ელექტრონული ტენდერი

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის "სახელმწიფო შესყიდვების შესახებ" და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ. თბილისი
2016 წელი

1. შესყიდვის ობიექტი:

ქვემო ქართლის რეგიონალური დაცვის პოლიციის სამმართველოს გარდაზნის დაცვის პოლიციის განყოფილების ადმინისტრაციული შენობის წყალმომარაგებისა და კანალიზაციის სისტემის მოწყობის სამუშაოები.

შესასრულებელი სამუშაოს მოცულობა მოცემულია ხარჯთაღრიცხვის ფორმაში (იხ.დანართი).

2. სამუშაოს შესრულების ვადები:

სამუშაო უნდა დასრულდეს ხელშეკრულების გაფორმებიდან 30 კალენდარულ დღეში.

3. სამუშაოს შესრულების ადგილი:

ქ. გარდაბანი, აღმაშენებლის ქუჩის მიმდებარედ.

4. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები:

4.1 დანართი №1 (რეკვიზიტები), ხელმოწერილი და ბეჭდით დადასტურებული შესაბამისი უფლებამოსილი პირის მიერ;

4.2 შესასრულებელი სამუშაოს ხარჯთაღრიცხვა დანართი №2-ის შესაბამისად, ხელმოწერილი და ბეჭდით დადასტურებული შესაბამისი უფლებამოსილი პირის მიერ; მიმწოდებლის მიერ ხარჯთაღრიცხვის წარმოდგენლობა ან/და ხარჯთაღრიცხვაში არსებითი შეუსაბამობა გამოიწვევს მის დისკვალიფიკაციას.

4.3 ინფორმაცია ანალოგიური სამუშაოს შესრულების გამოცდილების შესახებ. პრეტენდენტს 2013 ან/და 2014 ან/და 2015 წლების განმავლობაში უნდა გააჩნდეს ანალოგიური სამუშაოების შესრულების გამოცდილება საქართველოს ტერიტორიაზე (შემსყიდველის მოთხოვნის შემთხვევაში პრეტენდენტმა უნდა წარმოადგინოს გაფორმებული ხელშეკრულებების, მიღება-ჩაბარების აქტების ასლები), რომელთაგან მინიმუმ 1(ერთი) მსგავსი ტიპის სამშენებლო-სარემონტო სამუშაოების ხელშეკრულების ღირებულება უნდა შეადგენდეს მინიმუმ 30 000 ლარს. ეს ხელშეკრულებები უნდა იყოს წარმატებით დასრულებული, შემოთავაზებულ სამუშაოთა ხარისხის მსგავსი. იგულისხმება სამუშაოთა მსგავსება მათი ფიზიკური მოცულობის, სირთულის, განხორციელების მეთოდების, ტექნოლოგიების და სხვა თავისებურების მიხედვით.

4.4 შესასრულებელი სამუშაოს შესრულების ვადები გეგმა-გრაფიკის სახით, სამუშაოს შესრულების გეგმა-გრაფიკში მითითებული უნდა იყოს შესასრულებელი სამუშაოს ღირებულება თითოეულ ეტაპზე.

შენიშვნა: გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, შემსყიდველის მიერ განსაზღვრულ ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

ზემოხსენებული დოკუმენტების წარმოდგენლობა გამოიწვევს პრეტენდენტის დისკვალიფიკაციას;

5. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ქვეპუნქტებში განსაზღვრულ მოთხოვნებზე.

5.1 სატენდერო წინადადებაში ერთეულისა და საერთო ფასი გამოსახული უნდა იყოს მხოლოდ ლარებში, შეიცავდეს სამშენებლო სამუშაოების სრულყოფილად შესრულებასთან დაკავშირებულ ხარჯს და საქართველოს კანონმდებლობით გათვალისწინებულ ყველა გადასახადს, ასევე დღგ-ს.

5.2 შესრულებული სამუშაო უნდა იყოს მაღალი ხარისხის, მოქმედი სტანდარტების შესაბამისად და მიმწოდებლის მხრიდან უნდა გავრცელდეს **საგარანტიო ვადა მიღება-ჩაბარების აქტის გაფორმებიდან 5 წელი**, რომლის დროსაც ექსპლუატაციის პირობებში მიღებული (არა მექანიკური) დაზიანებების აღმოფხვრა მიმწოდებელმა უნდა უზრუნველყოს საკუთარი სახსრებით;

5.3 სამშენებლო-სარემონტო სამუშაოები უნდა შესრულდეს მაღალი ხარისხით (ვიზუალური მხარე, საუკეთესო ხარისხის მასალები, შესრულებული სამუშაოების ტექნიკური პირობების სრული დაცვა და პრაქტიკაში აღიარებული სხვა პირობები). ხარვეზებითა და უხარისხო მასალებით შესრულებული სამუშაოების მიღება-ჩაბარება შემსყიდველის მიერ არ განხორციელდება.

5.4 ანგარიშსწორება განხორციელდება უნაღდო ანგარიშსწორებით, ლარებში, მიმწოდებლის საბანკო ანგარიშზე, სამუშაოების სრულად დასრულების შემდეგ, მიღება-ჩაბარების აქტის გაფორმების და შესრულებული სამუშაოს ფორმა N2-ს წარმოდგენიდან **15 (თხუთმეტი) სამუშაო დღის** ვადაში.

5.5 იმ შემთხვევაში თუ მიმწოდებელი გეგმა-გრაფიკის შესაბამისად არ შეასრულებს შესასრულებელ სამუშაოებს შემსყიდველი იტოვებს უფლებას შეწყვიტოს ხელშეკრულება ცალმხრივად ან/და დააკისროს

5.6 პუნქტით დაკისრებული პირგასამტეხლო.

5.6 ხელშეკრულებით ნაკისრი ვალდებულებების შესრულების ვადის გასვლის ან/და არაჯეროვნად შესრულების შემთხვევაში, შემსრულებელს ეკისრება პირგასამტეხლო, ყოველ ვადაგადაცილებულ დღეზე **სახელშეკრულებო თანხის 0,1%-ის** ოდენობით, ხოლო სრულად შეუსრულებლობის შემთხვევაში **სახელშეკრულებო თანხის 20%-ის ოდენობით**.

5.7 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს **ხელშეკრულების ღირებულების 3%-ს** შემსყიდველს უფლება აქვს შეწყვიტოს **ხელშეკრულება** და ხელშეკრულებით ნაკისრი ვალდებულებების შეუსრულებლობისათვის მიმწოდებელს **დამატებით დააკისროს პირგასამტეხლო სახელშეკრულებო თანხის 20%-ის ოდენობით**.

5.8 მიღება-ჩაბარების აქტის გაფორმება ხდება მიმწოდებლის მიერ ფაქტობრივად შესრულებული სამუშაოს შესაბამისად წარმოდგენილი სამუშაოთა შესრულების ფორმა N2-ის საფუძველზე.

5.9 სამუშაო უნდა დასრულდეს ხელშეკრულების გაფორმებიდან 30 კალენდარულ დღის ვადაში.

5.10 პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის I პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის დადგომამდე.

5.11 პრეტენდენტს არ აქვს უფლება წარმოადგინოს ალტერნატიული სატენდერო წინადადება.

5.12 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

5.13 პრეტენდენტები ვერ გაივლიან შერჩევას თუ მათ მიერ წარმოდგენილი სატენდერო წინადადება არ შეესაბამება სატენდერო დოკუმენტაციისა და/ან სატენდერო განცხადების მოთხოვნებს, გარდა იმ შემთხვევისა, როდესაც სატენდერო წინადადება შეიცავს ისეთ უზუსტობებს, რომლის შემდგომი წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე. პრეტენდენტმა აღნიშნული უზუსტობები უნდა წარმოადგინოს შემსყიდველის მიერ შეტყობინების გაგზავნიდან არაუმეტეს **3 (სამი) სამუშაო დღეში**.

6. გამარჯვებულმა პრეტენდენტმა უნდა წარმოადგინოს შემდეგი საკვალიფიკაციო დოკუმენტები:

- იურიდიულმა პირებმა:
 - ✓ ამონაწერი სამეწარმეო რეესტრიდან.
- როგორც იურიდიულმა, ისე ფიზიკურმა პირებმა:
 - ✓ ცნობა შემოსავლების სამსახურიდან ბიუჯეტის წინაშე დავალიანების არ არსებობის შესახებ.

• საკვალიფიკაციო მონაცემების დამადასტურებელი დოკუმენტები შესაბამისი ორგანოებიდან გაცემული უნდა იყოს 2011 წლის 7 აპრილის სახელმწიფო შესყიდვების სააგენტოს თავმჯდომარის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ N9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, (ტენდერის გამოცხადების ეტაპი), ხოლო არარეზიდენტი პრეტენდენტის შემთხვევაში საკვალიფიკაციო მონაცემების დამადასტურებელი დოკუმენტები გაცემულ უნდა იყოს წინადადების მიღების ეტაპის დაწყებამდე არაუგვიანეს ოცდაათი კალენდარული დღისა. აღნიშნული დოკუმენტები წარმოდგენილი იყოს შემსყიდველ ორგანიზაციაში შემსყიდველის მოთხოვნიდან არაუმეტეს **3 (სამი)** სამუშაო დღისა. არარეზიდენტმა პრეტენდენტმა შესაბამისი დოკუმენტები უნდა წარმოადგინონ გაცემული თავიანთი ქვეყნის შესაბამისი უფლებამოსილი ორგანოებიდან, რომლებიც თარგმნილი უნდა იყოს ქართულ ენაზე და ნოტარიულად დამოწმებული. საკვალიფიკაციო მონაცემების დამადასტურებელი დოკუმენტები არ ექვემდებარება შემდგომ დაზუსტებას.

7. სახელმწიფო შესყიდვის დაფინანსების წყარო:

სსიპ დაცვის პოლიციის დეპარტამენტის 2016 წლის საკუთარი სახსრები.

8. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, დავით აღმაშენებლის ხეივანი, მე-11 კილომეტრი, დაცვის პოლიციის დეპარტამენტი, საკონტაქტო პირი: დავით სიგუა - 577 609-777; მიხეილ წიკლაური - 591 706 343

სახელმწიფო შესყიდვების ხელშეკრულების პროექტი ელექტრონული ტენდერი SPA----- (CPV-45231300)

ქ. თბილისი

----- 2016 წელი

ერთის მხრივ საქართველოს შსს სსიპ - დაცვის პოლიციის დეპარტამენტი (შემდგომში შემსყიდველი) წარმოდგენილი მისი თავმჯდომარე გურამ ტომარაძის სახით და მეორეს მხრივ ----- (შემდგომში შემსრულებელი) წარმოდგენილი მისი დირექტორის ----- სახით, „სახელმწიფო შესყიდვების შესახებ“ საქართველოს კანონის მე-16¹ მუხლის 1 პუნქტის შესაბამისად, ვდებთ წინამდებარე ხელშეკრულებას შემდეგზე :

1. ხელშეკრულების საგანი

სსიპ დაცვის პოლიციის დეპარტამენტის მიერ ----- (იხ. ხარჯთაღრიცხვა დანართის სახით) შესყიდვა ხელშეკრულების პირობების შესაბამისად.

2. ხელშეკრულების ღირებულება

2.1 ხელშეკრულების ჯამური ღირებულება შეადგენს - ----- ლარს.

2.2 ხელშეკრულების ღირებულება მოიცავს, როგორც შესყიდვის ობიექტის საერთო ღირებულებას, ასევე წინამდებარე ხელშეკრულების შესრულებასთან დაკავშირებით შემსრულებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3. ანგარიშსწორების ფორმა და ვადები

3.1. ანგარიშსწორება განხორციელდება უნაღდო ანგარიშსწორებით, ლარებში, მიმწოდებლის საბანკო ანგარიშზე, სამუშაოების სრულად დასრულების შემდეგ, მიღება-ჩაბარების აქტის გაფორმების და შესრულებული სამუშაოს ფორმა N2-ს წარმოდგენიდან **15 (თხუთმეტი) სამუშაო დღის** ვადაში.

3.2. ანგარიშსწორება ხორციელდება შსს სსიპ-დაცვის პოლიციის დეპარტამენტის 2016 წლის საკუთარი სახსრებით.

4. მიღება-ჩაბარების წესი

4.1. შესრულებული სამუშაოს მიღებას ახორციელებს დაცვის პოლიციის დეპარტამენტის სახელმწიფო შესყიდვების განყოფილების გამს ინსპექტორი (შემსყიდველის გადაწყვეტილებით, საჭიროების შემთხვევაში ლევან სამხარაულის სახელობის ექსპერტიზის ეროვნული ბიუროს დასკვნის საფუძველზე) შესაბამისი სამმართველოს უფლებამოსილი პირი.

4.2. შესყიდვის საგანი ჩაითვლება მიღებულად მხოლოდ კანონმდებლობით დადგენილი წესით განსაზღვრული სამუშაოს შესრულების მიღება-ჩაბარების აქტის გაფორმებისა და შესაბამისი დოკუმენტაციის წარმოდგენის შემდეგ.

4.3. წუნის, ხარვეზის აღმოჩენის შემთხვევაში მიღება-ჩაბარების აქტის გაფორმება მოხდება მისი სრული აღმოფხვრის შემდეგ.

5. შესასრულებელი სამუშაოს ადგილი, ვადა და საგარანტიო პერიოდი.

5.1. სამუშაოს შესრულების ადგილია: ქ. გარდაბანი, აღმაშენებლის ქუჩის მიმდებარედ.

5.2. შესასრულებელი სამუშაო უნდა დასრულდეს ხელშეკრულების გაფორმებიდან 30 დღის ვადაში.

5.3. შესრულებული სამუშაოს საგარანტიო პერიოდი უნდა განისაზღვროს 5 წლით (გარდა მექანიკური დაზიანებისა და ფორს-მაჟორული სიტუაციისა), რომელიც აითვლება მიღება-ჩაბარების აქტის გაფორმების დღიდან. საგარანტიო პერიოდში დაზიანებების აღმოფხვრა მიმწოდებელმა უნდა უზრუნველყოს საკუთარი სახსრებით გონივრულ ვადაში, შეტყობინებიდან არაუგვიანეს 20 (ოცი) კალენდარულ დღეში.

5.4. სამშენებლო-სარემონტო სამუშაოები უნდა შესრულდეს მაღალი ხარისხით (ვიზუალური მხარე, საუკეთესო ხარისხის მასალები, შესრულებული სამუშაოების ტექნიკური პირობების სრული დაცვა და პრაქტიკაში აღიარებული სხვა პირობები). ხარვეზებითა და უხარისხო მასალებით შესრულებული სამუშაოების მიღება-ჩაბარება შემსყიდველის მიერ არ განხორციელდება.

6. მხარეთა უფლება-მოვალეობანი

6.1. შემსყიდველი უფლებამოსილია ნებისმიერ დროს განახორციელოს შემსრულებლის მიერ ნაკისრი ვალდებულებების შესრულებისა და ხარისხის კონტროლი.

6.2. შემსყიდველი უფლებამოსილია შესრულებული სამუშაოს ხარისხიანობის და ხარჯთაღრიცხვასთან შესაბამისობის დასადგენად მიმართოს ლევან სამხარაულის სახელობის ექსპერტიზის ეროვნულ ბიუროს (საკუთარი სახსრებით);

- უარყოფითი დასკვნის შემთხვევაში შემსყიდველი მიღება-ჩაბარების აქტს გააფორმებს მხოლოდ აღმოჩენილი ხარვეზის/შეუსაბამობის აღმოფხვრის შემდეგ, რომელთა ხარჯებსაც მთლიანად გაიღებს შემსრულებელი.

6.3. შემსყიდველი ვალდებულია უზრუნველყოს შესრულებული სამუშაოს ღირებულების ანაზღაურება ხელშეკრულებით გათვალისწინებულ ვადებში.

6.4. შემსრულებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

6.5. შემსრულებელი ვალდებულია გაუწიოს მომსახურება სათანადო ხარისხით და სრული მოცულობით იმ ვადაში, რომელიც მითითებულია ხელშეკრულების 5.2. პუნქტში.

7. პირგასამტეხლო ხელშეკრულების პირობების შეუსრულებლობისათვის

7.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემდეგ მიყენებული ზარალისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

7.2 იმ შემთხვევაში თუ მიმწოდებელი გეგმა-გრაფიკის შესაბამისად არ შეასრულებს შესასრულებელ სამუშაოებს შემსყიდველი იტოვებს უფლებას შეწყვიტოს ხელშეკრულება ცალმხრივად და დააკისროს 7.3 პუნქტით დაკისრებული პირგასამტეხლო.

7.3. ხელშეკრულებით ნაკისრი ვალდებულებების შესრულების ვადის გასვლის ან/და არაჯეროვნად შესრულების შემთხვევაში, შემსრულებელს ეკისრება პირგასამტეხლო, ყოველ ვადაგადაცილებულ დღეზე სახელშეკრულებო თანხის 0,1%-ის ოდენობით, ხოლო სრულად შეუსრულებლობის შემთხვევაში

სახელმწიფო თანხის 20%-ის ოდენობით. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს შემსყიდველს უფლება აქვს შეწყვიტოს ხელშეკრულება და ხელშეკრულებით ნაკისრი ვალდებულებების შეუსრულებლობისათვის მიმწოდებელს დამატებით დააკისროს პირგასამტეხლო სახელმწიფო თანხის 20%-ის ოდენობით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით მხარეთა შეთანხმების საფუძველზე.

8.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ინიციატივით ურთიერთშეთანხმების საფუძველზე.

9. დაუძლეველი ძალა (ფორს-მაჟორი)

9.1. მიმწოდებლის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი, გარდა 9.3 პუნქტისა.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეებზე და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მოწოდებაზე ემბარგოს დაწესებით, საკანონმდებლო რეგულაციებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების დადგომისა და ხანგრძლივობის შესახებ. თუ მხარე მეორე მხრიდან არ მიიღებს წერილობით პასუხს - თანხმობას „ფორს-მაჟორი“-ს დადგომის შესახებ, იგი აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4. მხარეების მიერ „ფორს-მაჟორი“-ს დადასტურების - აღიარების შემთხვევაში ხელშეკრულებით გათვალისწინებული ვალდებულებების შესრულება მხარეთა წერილობით შეთანხმებით შეიძლება გადაწყდეს იქნეს „ფორს-მაჟორი“-ს ხანგრძლივობის ვადით.

10. დავები და მათი გადაწყვეტის წესი

10.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში დავის გადაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1 წინამდებარე ხელშეკრულება ძალაშია ზემოთ მითითებული თარიღიდან მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე 2016 წლის -----.

11.2 ხელშეკრულების მოქმედების ვადის დასრულება/ან შეწყვეტა არ ანთავისუფლებს მხარეებს ხელშეკრულების მოქმედების პერიოდში ნაკისრი ვალდებულებებისგან.

12. სხვა პირობები

12.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

12.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და მეორე პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.4 გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

12.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

13. მხარეთა რეკვიზიტები

შემსყიდველი:

მიმწოდებელი:

შსს სსიპ დაცვის პოლიციის დეპარტამენტი
ქ.თბილისი დავით აღმაშენებლის ხეივანი მე-11

ს/კ №211350928

თავმჯდომარე
გურამ ტომარაძე

დანართი №1

რეკვიზიტები:

პრეტენდენტის იურიდიული ფორმა და დასახელება:

დირექტორი სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

პრეტენდენტის ოფისის/მობილურის ტელეფონის ნომერი:

ელექტრონული მისამართი:

საიდენტიფიკაციო კოდი:

ბანკის დასახელება:

ბანკის კოდი:

საბანკო ანგარიშის ნომერი:

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების
ფასი:

(თანამდებობა, სახელი, გვარი)

(ხელმოწერა)